

虛受堂詩存

虛受堂詩存卷十四

長沙 王先謙 益吾

王楷 雁峯前輩贈詩次韻

王長沙人前官雲南主講城南書院以下庚

寅

高。文。慚。負。記。堂。槐。莊。叟。甘。居。材。不。材。肯。作。松。條。吟。澗。底。
賸。將。茅。屋。寄。城。隈。園。林。依。水。周。遭。合。花。樹。爭。春。次。第。開。
便。欲。從。公。倒。吟。榼。不。嫌。荒。僻。數。能。來。

早隨鸞珮步

皇除猶聽賢聲溢菹蕖時事親看角

牛。李。古。今。何。必。異。楊。疏。藏。春。得。地。身。彌。健。當。晝。思。經。腹。
不。虛。我。亦。從。來。避。囂。俗。日。依。戴。席。學。雝。書。

清明二首

春仲雨霽氣和且柔我徂東山踰水陟邱舍輿信步以
天自游旣暢我體亦消我憂農事將及土膏若浮菜花
黃白爛焉盈疇山空無人田水四流時有飛鳥歌吟相
酬悟彼靜樂貴在無求我獨何者形役不休

昔奉我母來卽幽宮仙人市近將軍嶺崇平隴回互綺
交脈通棲神茲土入歷春冬自我歸省佳辰再逢眼穿
白雲心摧飄風念昔尼父遠行識封竊比猶幸祭埽親
供所歎鬢髮俄焉霜蓬仰荅皇昊慎固微躬

竝蒂白蓮畫卷爲袁

樹勛

海觀題

袁湘潭人南匯縣知縣圖爲改

琦七薌所畫瀋陽慶保撫蘇時署中
白蓮忽開並蒂屬改爲圖今歸袁也

蓮固可愛昔賢所說比萼同跗尤奇罕匹誰與圖者

東高逸改自號泖東漁者價敵璠璣輝增節鉞花綠雙貴畫以

獨絕百歲古縑一叢香雪張之華堂清風曉月使君坐

對天機澄澈因心施政象被芳潔和積德充佳氣被物

嘉禾秀麥若蓮之茁券以茲詩播揚馨烈

題余修鳳雲樓集余平江人前陝西定遠廳同知

雄風接班定遠循績抗黃潁川龍泉猶流舊澤泉在定遠城外

鹿洞自訂新編雲樓號鹿洞山人

本是華峯秋隼來參少室達摩集有游嵩華山記天岳鐵瓶干

虛受堂詩存卷十四

古

李次青元度天岳山房集張子恆岳齡鐵瓶詩鈔二君皆雲樓縣人

從今望子高歌

寄壽省吾五十生辰

一從嬰疾竄江濱空向京華憶故人猶有多情杜陵老
遠將樽酒鬪清新

四十飛騰記眼前遙憐鬢髮各蒼然十年兩度酬佳詠
斷送光陰值幾錢

板輿婉婉迎潘母玉樹森森立謝郎洛下交游餘幾輩
庭闈樂事冠吾鄉

趨公奉使並聲名讚達才能有正卿往事已成三愠喜
及時還作一飛鳴

雲程底處是高飛。過隙奔駒不受羈。我亦感秋遊紫極。
驚心四十九年非。

詩債還君已隔年。更無珍玉壓新篇。應嗤高詠黃山谷。
漸作春灘上水船。

雜詠六首

斯世於我殆已矣。束縛冠帶胡爲哉。故人邀我置美醞。
勸我裁思復減哀。思亦不可裁。哀亦不可減。難忘漆室
吟未折。明廷檻周孔。弗憂讒。但憂道不長。水清石
見豈無日。不如含章息輪鞅。聞君避世山之幽。且願脫
身共長往。

山幽一株秦時松。四時黛色長蔥龍。蟠天際地森獨立。
車蓋下覆何童童。恥五大夫受秦封。收聲匿影來山中。
冰霜苦摧剝。風雨相舂撻。於今時清欲作棟梁用。材大
物古不見容。吁嗟鱗甲豈不老。看女幾時能作龍。

夏日日炙江潭乾。中有鯉魚色斑斕。一從卻行龍門下。
隨波泛濫。何時還仰首。號天衢天公不遣風雷驅。女自
不變化。柰何坐歎江潭枯。

道旁有蠶豆。解作水墨花。愛其生意頗蓬勃。拔根入手
把玩重咨嗟。人生榮悴各有託。萬物得所以爲樂。及爾
同生天地間。何苦摧殘見零落。歸來植爾息土中。努力

發榮向春風。

秋風朔野來。吹我淩虛之高臺。浮雲蔽天不可開車聲。
隱隱飛黃埃。美酒傷吾生。欲飲時覆杯。慨然提劍出門。
去。四顧歧路空徘徊。

少時讀仙經。頗惑虛無說。言希王喬壽。願受松子訣。年
長道力充。心激幻想滅。人生精神自不朽。何必區區爭
歲月。千年來歸丁令威。太息世間冢。纍纍寄言笑。問雲
間鶴不死。閱世將何爲。

壽龍

文彬

筠圃七十生辰

龍承新人同治乙丑進士吏部主事工時文著

明會要爲時所稱

憶歲在乙丑羣英集都下先生老計偕久與時厓牙吾
師長白公萬物歸陶冶搜珠等王起聽琴知賀若榜開
天北極名振江西社追風一長鳴羣騶盡瘖啞時文雖
小技抹敝亦聊且高曲在人間無慮和者寡先生勤耆
古曉窗燈未熄貫穿勝國遺斷代極揮灑編成八十卷
材揜百五雅纂言紹王徐備體參谷夏聖朝嚴史
筆義例無貸假三編揭昭回萬喙息謹謏偏隅從附錄
皇度何豁開羽翼得茲書真堪洛陽寫通材富經
緯可用施大廈胡爲久遭迴世態苦侈哆同官容面詐
不校真長者歸與旌搖心避此泥沒踝德門好兒子異

種皆天馬森然羅諸孫亦見沫流赭今年開八秩舞綵
奉壽聿此樂勝香山前身疑子野君家白頭弟禹門臭味
吾徒也昨奉惠書來驚思別袂把十年曠顏色一夢供
嗚囁同輩幾人存緇塵尙霑惹伊余屏山澤已分造物
捨微疴自溫存故紙樂掃捨時從山覆簣妄冀蒿成檣
何當細評論活計共甄瓦褰裳去相訪江水連天瀉惻
悵付長謠殷勤祝純嘏

緝雅堂校詩圖爲潘繹序題

繹序督學浙江爲續
兩浙輶軒錄六十卷

以繼阮文達繪圖

寄題以下辛卯

采風稅夙駕入府羅塵編虛堂心鏡光錙銖若衡懸阮

公既好事吾子復蟬聯百年騷客魂微命寄大賢憶從
緒寇擾兩淞失誦弦金石變清商縑素隨飛煙斷簪拾
哀玉雜花綴遺鈿用此心力勤永結文字緣輶軒典陳
詩。今。亡。古。則。然。高。情。紹。百。代。壯。觀。迴。千。篇。樂。職。暢。風。化。
文。昌。煥。星。躔。山。光。與。湖。淥。一。倍。增。清。妍。聊。同。會。稽。集。宋
延之有會稽掇英集最精博故以爲況更廣湖海傳披圖獻短什愧我輸
先鞭

題王文肅公疏橐後

橐云臣錫爵謹具副書密題臣蒙皇上始終垂眷出入注

思其恩原與前後諸臣不同而臣之一心報主百計爲國亦何忍自同眾人存一分惜身顧名之念前此在籍時聞同官王家屏因爭豫教一事忤旨而歸徒潔己身無益國事臣以此痛懲其失凡有

規諫皆不以露章而以密揭此臣赤心苦膽天日之所鑒也既而羣少年望影疑形肆口唾罵臣恐過歸於上一切吞聲受之此臣爲主忍辱道路之所憐也卽今患病乞骸原不敢以去就要君但讒者方以冊立大計比臣於李林甫許敬宗亘古誤國之臣臣心事既難自明揭請又不蒙報是家屏之忤旨反博得次年近限之期而臣之委曲將順使人愈眊愈遠茫無下落家屏之早歸反畱得知止不辱之名而臣之感恩戀主願使人愈賤愈鄙如坐塗炭豈不苦痛可哀之至哉惟皇上開天闢地之心念臣千辛萬苦而來不會幹得一事而腌臢滿體焚灼填胸有萬萬必不可一朝居者特假顏面再示腹心將臣所請改期豫教二事量准一件令臣出可見人歸可謝母亦不枉我皇上連年如此厚待如此深知也又有一說皇上旣爲臣等重處陳泰來妄言之輩則必使臣有言聽計從之驗而後主張得定消受得起若徒使諸臣受罪而臣無一事自解則此輩又將謂皇上與臣轉相藉口以釋其冊立之憾臣迹愈晦臣身愈危就使犬馬之疾可痊銜結之恩未已而朝班誰復容臣臣雖

欲不負皇上不可得也不勝窘急計窮力疾手
書一字一淚伏望皇上哀憐造命至苦至懇

升儲豫教舊陳謨密揭何曾用意殊竟把茅封比金玦
盈廷排斥亦虛誣

青蒲連疏動宸慈出閣從茲不易期直到迎禧宮啟日
老臣忠孝兩無虧

朝局紛紜口舌忙扶顛終仗股肱良不知調護歸元老
多謝詞人唱雒陽

神廟依稀如漢祖期期爭不效周昌 本朝密建超千
古 天語元非薄太倉

護花圖爲某君題

以下
壬辰

綠轉黃回付一咍羣生迷網劇堪哀雲衣月扇都拋卻
更肯皈依淨域來

笑我歸來萬念空笙歌排日錦成叢從今顧曲周公瑾
更不同頭學耳聾
世人止解纏頭好擲盡黃金意不嫌一力須知亦人子
幾人用意似陶潛

次韻吳

大澈

清卿中丞喜雪

銀雲爛天作豐澤崑崙積玉階盈尺我慚落筆先飛霰
公已高歌對三白公心洞達無關局延攬遐景歸園亭
清湘堆成雪浪石紫蓋寒照琉璃屏憑闌俛首長太息

坐恐窮簷情不得岳樓未改范公心楚國眞看子文色
爲公高詠勿沈思民意同天兩不疑龍公不禱機先應
蝗孽潛除喜可知公德飲人若醇酒氣清六合無氛垢
一從湖外迓旌麾發政施仁周士婦連年冬溫始一寒
和沴匪天信在官更聞大庇顏生歡爲政取人百不難
延賓館啟綽且寬自今高臥無袁安

時方設
求賢館

中丞和詩有疊臣未合耽詩酒之句詞旨閎遠而
意量淵然在兼濟天下非僅造福湖南也夫詩特
學人餘事無論在位君子卽隱居求志徒以詞章
記誦爲務亦奚足尙邪謹次韻再賦一篇附於孔

氏各言爾志之義

我。生。不。慕。睢。與。澤。富。貴。惟。憑。喙。三。尺。亦。不。願。作。澹。蕩。人。
蹴。踏。陰。何。陵。甫。白。當。年。獻。納。趨。

皇局誰料一病歸

邱。亭。每。談。時。事。腸。內。熱。欲。上。無。逸。書。軒。屏。萬。里。鯨。波。雖。
少。息。綢。繆。桑。土。時。難。得。願。聞。四。海。襦。袴。音。永。靖。百。年。兵。
甲。色。

九重天子古文思特沛霖雨蘇衡疑懷清更

比。湘。波。澈。名。重。真。令。江。草。知。異。時。長。載。揚。雄。酒。精。研。金。
石。磨。癥。垢。眼。空。司。馬。作。凡。將。氣。壓。邯。鄲。題。幼。婦。吟。肩。偶。
聳。當。夜。寒。直。須。寫。付。采。風。官。騷。人。嘲。弄。雜。悲。歡。誰。肯。垂。
念。民。事。難。誦。公。此。詩。百。憂。寬。豈。惟。吾。楚。天。下。安。

城步戴

聯璧

寶泉墨香園圖爲其孫

嘉善

惠亭題

聯璧拔貢生嘉

善善化學訓導

楚山山上水。水裏盡都梁。古縣千年種幽人。一瓣香清
門守經席爽氣落巖堂。猶有傳孫硯遺徽永不忘。

次韻朱

振鏞

次江

朱龍山舉人

太史牛馬走玉川。蟣蝨臣已成雙鬢。雪虛負一腔春抱。
病甯醫國偷閒不爲身。著書須火急。霜葉眼中新。
佳人竟何事。寂寞在幽岑。汗竹生霜豔。琴桐發爨音。紛
紛時俗論凜凜。歲寒心交態。嗟雲雨無言。但口吟。

次次江韻

世無好事玉池翁。詩酒都歸寂寞中。壯氣猶存張楚意。
清篇真見盛唐風。試傾雲液花前白。一發衰顏醉後紅。
箕斗虛名枉推獎。未堪力挽濁流東。

次韻袁緒欽

叔瑜題其粵東游草卽送赴潮州主

講書院

以下
癸巳

早聞游屐到黃灣。傳唱新詞徧小鬟。勝覽自誇腰腳健。
苦吟漸益鬢毛斑。朋儕得意雲霄遠。弟子橫經杖屨閒。
應爲才名被磨折。百年壇席替韓山。

壽但

湘良

少村觀察

但蒲圻人湖南候補道一署
臬司兩署糧道兩署辰沅道

正月十五日夫婦七十子孫二十九人

吉得天人助才兼出處伸咸同時已昨江漢澤如新匡

弼艱危地調和老大臣鄂撫胡文忠與官文恭不協公在幕多所匡益同儕豐

羽翮雲路故逡巡

忠孝宜雙畫潘輿夾篠驂萱花一堂北霖雨五湖南判

事無鷹擊延賓密塵談忘年屢披豁不酒亦能酣

上古敷文地公來化理滋儒容榮俎豆武色肅旌旗識

遠機能赴謀深亂迅夷在辰沅道任內加書院課額設民苗義學講求兵備以七日平

董倒坡苗匪石老華之變時光緒六年也馨香在明德生建陸雲祠

傳葉今盈卉齊年古更稀團團進湘醪永永駐春暉興

誦章前美父文恭永綬廳同知有惠政家祥啟嗣徽天官下降日燈

火照仙衣

和吳中丞謝張孝達制軍惠新會橙

炎方富佳果。楚橙世罕比。近無江陵貢。頗種新會子。帶
酸似檀柚。速化勝橘枳。夢作嶺南遊。堆盤甘且旨。觥觥
賢制府。敬念同官美。寄遠附輪舟。黃金爛盈筐。奉柑得
王帖。謝橘修劉啟。兩章光對月。千尺情如水。分頒到餽
生。璀璨羅案几。霏霏香透甲。習習霜入齒。古意配椒薑。
餘甘匹檮柿。吾儕知此味。飽德幸密邇。自從江溟通。咫
尺視萬里。八方走蠻貊。百產趁海市。勿言物微細。鎮與
時變徙。燕南擘永嘉。異事那足紀。因公示新什。報謝憑

寸紙它日覲殊施荔支逢驛使

清卿中丞巡閱湘西得詩數十首見寄次七律二

章韻

湖外雲山共眼明。湘中草木識威名。帷裳不掩通民隱。
水鏡爭持見物情。述訓盡應知路鐸。禮賢真欲得巖平。
祇今銜袖新詩卷。爲報西山已抗衡。

服人在德豈其卿。餘事論文亦有名。喜見申徽畱墨蹟。
共知安石爲蒼生。陽和自有行春腳。披寫都根向日誠。
聞道隨車甘雨足。高臺徧築女懷清。
常澧諸處捐貲
倡建保節堂

次韻吳中丞遊衡山

尙書昨自湘西迴清遊汗漫期九垓神山二酉寶書見
武陵桃源花笑開仙居縹緲鈞天作珠璣入睡隨風落
極望峯回北鄉鴻成陰蓋擁南飛鶴山頭霧雨初冥濛
埽出列嶂撐晴空顯藏默識造化妙正直例與神明通
奇情逐目異忻悵勢作蜿蜒起平曠仰穿巖窟裂坤維
俛挹川原窮楚望祝融紫蓋儼爭長上封方廣亦殊狀
鉅海回瀾入硯池景霄捧日迎旌仗我生逼迫老轍環
鄉國咫尺辭躋攀忽然夜夢蹕千丈凌風直入仙官班
天梯萬仞不用躡虬松怪石紛漏欄危亭岌業俛半山
洞庭九疑蒼茫閒奔騰雲海擁我足大觀始信天非怪

虹梁跨空踏飛雪。蓮瓣隱壁開禪關。朱張游屐不到處。
古木塞路皆蒼顏。巖巔金簡昔已殘。螺書龍畫了不閑。
歸途舜樂妙音送。絡絲泉水鳴淙潺。覺來落手瓊瑤重。
從古奇文欣賞共。始知簡牘通精魂。賴有江山獻清供。
興公自珍天台作。吉甫更進崧嶽頌。毛詩吉甫作誦潛夫論三式篇尹吉甫作封頌二篇
蓋三家詩作頌祝公眉壽如山高。願公善政比戶誦。吾儕飽食但甘寢。詩筆甯堪作時用。

和吳中丞雨中游浯溪讀中興頌次山谷韻

昔聞漫士耽灤溪。至今舂陵存口碑。磨崖文工餘事耳。
德政千載式繭絲。當年天子下殿走四海。郭李兩健兒。

長戈疾挽白日西南內對月思同棲厲階生婦了不省
求魂寫貌徒爾爲若非靈武得繼體豈有故物還京師
荒州刺史破愁絕潤飾天宇毫一揮崩騰湖外盡戎馬
官卑地遠空憂危我公訪古興不淺冒雨讀徧前朝詩
作銘亭臺示官吏義重仰止非文辭山川幾閱人代變
獨以精氣相追隨更求如結十數輩永靖萬國凋殘悲

和吳中丞游澹巖次山谷韻

武陵漁郎不到處天闢異境離翬塵洞開玉女窗前石
腹受阿房宮裏人高僧已隨鐘磬寂淡竹長挂藤蘿春
卻怪猗玗避世子不向翠壁鐫青珉

周生義不汙秦垢風雨一化長不歸往來行人多古意
指點立石到今疑元精淪如泗水鼎靈氣幻作山雲衣
先賢傳裏名寂寞太息世遠知音稀

和吳中丞游朝陽巖次山谷韻

不知此巖洞幾人聳詩肩描摩煙霞態想像草木年美
哉元黃輩遂與山俱傳我昔臥石竇飽聞水濺濺幽夢
落仇池尤身寄范園蒼茫成獨詠揮手凌秋煙卅年讀
公作奇雋魁厓鑄神交古賢哲繾綣如謝袁袖攜祝融
雲足濯方廣泉流香復一漱命圖寫潺湲柏巖補楚乘
公舟行得巖石似古柏前此無
驚倒臞儒仙歸來瀟湘
名因名之柏巖爲銘勒其上

曲載滿書畫船

吳中丞得瑤琴一聲清越以長背鐫鳴玉二字末
有復一二字下有王方省印四字蓋數百年物也
咸豐間土人於長沙城外理靈坡掘土得之以獻
於公有詩屬和

不知何世士剖山藏綠綺我疑楚伯牙心與知音死沈
埋歷年歲踴躍拔泥滓負舟趨壑上掘劍出獄底仍憐
石函破幸未玉軫毀一奉君子堂錦囊珊瑚几輝輝爛
盈目泠泠清入耳古意埒球琳餘情寄山水猜詳得時
代按討及姓氏光從百年發價已十倍擬昨來誦佳什

三歎喻微指泥土多奇珍願公無棄美

次韻敬安寄禪師見贈

湘中開士得二妙

師及笠雲上人

吳越真輪第一流千秋自信

奴島可三徑儻許儕羊求海月嶽雲供吐納詩筒酒椀

空煩憂推敲未了逢京尹從此聲名隘九州

師近爲清卿中丞所

推獎

次韻

芳圃

笠雲師見贈

喜接參寥出清語早知法印稱佳流秀分衡嶽峯頭骨
閒掃湖湘塵外憂我亦觀心渾不礙近除索句百無求
平生止足眞吾分肯把蒲萄換典州

題文忠肅公父母誥命卷後

公名士昂字抑之號台仙攸縣人明天啟

壬戌進士知華陽縣有循聲崇禎初行取工科給事中敷陳時事凡百餘疏劾周延儒罪太監曹化純張彝憲用事絕不與通出爲四川威茂兵備道調雲南臨安兵備道又調激江分巡道癸未將還朝至偏橋知湖南爲張獻忠所陷值御史陳盡奉命調滇兵公與總督李若星議恢復遣使開道至攸寄書二子令爲應援次子應揚擒斬僞攸令陳于朝獻忠走四川甲申公還攸聞燕京陷獨宿證果寺每日哭奠福王授公雲南按察使轉布政使公欲入滇親調土司兵至豫章聞南都亂寄家書云奸輔誤國令人髮指幸萬公元吉楊公廷麟陳公盡會師吉安何公騰蛟堵公允錫會師長常我今兩路聯絡撐此半壁以圖中興昨謁信公廟正氣凜凜爲臣者先存死字在心乃可有爲我志已定讀書作人四字子孫領之因與楊公等守吉安冒刃血戰適魯王拜公行在太常寺卿有文士昂科俸最深俟陞見另有恩加之旨催之赴任未到官閭事又敗聞永明王在武岡欲開道從之而茶

陵於丁亥三月已設官衡永一帶俱奉正朔聲息
不通公遂隱迹攸東之涼江順治五年攸有引鄰
匪爲亂者敗走知縣于穎然欲與公議團練公不
出穎然怒誣以罪擒之械赴武昌公不置辯曰事
至此惟一死足了我生我本與信國同祖公死宋
我死明九原好相見也巡撫王守履公壬戌同榜
謂公曰年翁順時我等卽會題公不應口占云螺
川洩水匯淵源事宋事明總是君畱得此身羞見
祖樓前黃鶴永爲羣守履愧汗不復言以順治戊
子八月二十七日棄市就戮之日顏色不變作書
寄家人題二詩於末日報君惟一死寸磔亦何傷
畱得綱常在堪爭日月光負國愆難贖甘將鼎鑊
嘗丹心畱一點好見舊君王永明王聞之贈禮部
尚書諡忠肅賜祭葬廕一子錦衣衛世襲其父有
章母王氏誥命一道乃隆武二年四月公任雲南
左布政時所頒其家世寶藏之光緒二年十二月
湖南巡撫題請奉
旨入祀鄉賢祠

君不見勝國巨盜摧天綱福魯唐桂如羹蟪紛紜棋局

收急劫獨有碧血畱精光文公生丁國步弱誓洗兵甲
傾銀潢早司民牧得上考入侍禁近勤匡襄探懷磊落
百餘疏獨伏青蒲守御牀尙方請劒斬奸佞況肯曲意
阿權璫吾謀不用天所尼心在魏闕身巖疆佳兒忠孝
兩奇特能以智勇完其鄉遠承方略剗渠率勛伐有爛
標維桑治裝入覲沮中道天崩地坼迷元黃結援長沙
會何堵灑血吉水偕萬楊天戈一搗當者碎冰銷
電掣閩武岡竄身涼江侶魚鳥逝將槁餓西山旁飛章
告變復何恨豫辦一死酬先皇螺川攸水匪異派九原
孫祖俱軒昂鴻毛豈輕疊山謝猿警不脫蒼水張時道

歲邁二百載。俎豆崇享傳。芬芳當年封。誥仍世守金花。
縹袋增輝煌。君有其臣親。有子易代幾。姓能頡頏四朝。
階勳序長樂。榮辱未可相校量。要須持用補。繹史揮發。
遺美千詩章。

次韻吳中丞喜雨

天閭北望祈時晴。南土怨咨勤雨聲。穹蒼厚薄本無意。
孰使衡量歸齊平。近郊先喜蘇枯槁。遠郡日愁佳問少。
千里應周夢轂環。十觴甯緩憂心擣。連艘轉粟苦不多。
窮閭一勺皆恩波。列城歡動舞冥翳。官閣賦就招羊何。
湘中土瘠恃豐飽。節使勤民時默禱。精誠一夕排帝闕。

馬。上。天。瓢。自。傾。倒。更。聞。

詔。下。

聖。澤。流。允。給。

國。帑。蠲。官。收。醴。甘。茶。苦。誰。復。較。齊。入。化。國。登。仙。洲。

今夏醴陵

荒歉紳民求賑茶陵尤甚無人上達公察訪得實並湖奏請發帑賑濟奉

旨允行茶陵漢書作茶陵也

田。埌。沒。祝。早。穫。朗。水。畚。築。方。增。修。削。竹。何。由。罄。嘉。美。楸。

桑。豈。曰。非。良。謀。新。詩。讀。罷。行。隴。首。黃。雲。極。望。空。秋。愁。

池蓮新實餉吳中丞賦詩爲謝次韻二首

商。略。荷。塘。接。竹。科。臨。風。一。笑。散。千。痾。蓮。花。徧。徧。爲。誰。用。

芹。子。區。區。豈。足。多。

家。丞。秋。實。敢。同。科。祇。盼。傳。經。慰。積。痾。一。夜。錦。箋。飛。吉。語。

公詩有云家傳清白子孫多

門。闌。喜。氣。得。天。多。

或以錦雞獻中丞中丞縱之復來畱止署中又有
一白鷺翔集不去各繪圖屬題

江天遊已倦庭樹棲還乍雖云託孤高幸不畏彈射君
知微物性變態無假借仁政雉能馴機心鷗不下白鷺

楚山有奇鳥束縛別雲侶一朝脫籠樊且復畱庭宇感
深賢主意更對澄潭舞亦有衝天心誰知愛毛羽錦雞

寄壽賴

承裕

子沛

賴閩人時官岳州通判駐南洲

長沙星星彩雲裏冠蓋聯翩塞都市唯有使君清絕塵
掉頭去飲西湖水湖壩息土日夜生昔爲茂草今香杭
南洲版籍手自定臥聞雁戶騰歡聲前隄後堰波一曲

中有橫舟容萬斛。目送千帆去復迴。樵牛坐待天風足。
蟄龍屈蠖幾經春。材大自合康時屯。昨來長倩有貢薦。
不信仲華能笑人。往日知君正年少。手把瑤篇誇絕調。
莫言健骨已銷磨。席上璠璣光四照。蘧賢五十了無非。
孔融過二徒增歛。祝君努力埽白髮。長鑱劇寄黃精肥。

戲贈寄禪師

時衡山人以嶽寺田爲寺僧侵盜延師主方丈董理之然事不易了也

道人心如水。鏡寒笑視塵。海空迷漫忽逢童子擲瓦礫。
清冷不覺生微瀾。異時佛杖何住著。四海飄飄一行腳。
閒田招客誰使令。坐遣天機落禪縛。世無姬文化鬪爭。
虞芮幾時來。質成拂衣長嘯入雲去。汙渠蚊蚋徒縱橫。

君不見。趺瓶倒鉢古壇主。田與上人安所取。

沙門訟田事見南史

劉顯傳纖埃不著一物無請更從師下轉語。

儷文內子以中秋日生顏所居日月圓人壽之室
相與雜話家庭瑣事戲爲四絕句

中秋飛鏡出瑤臺。小閣虛明進壽杯。長願百年如此酒。
人間此樂勝蓬萊。

雪芽沙水最相宜。午睡初濃一沁脾。還似江南風味否。
墨華榭裏品茶時。

遲開早謝惱秋英。生怕霜風埽地清。嫩蕊不辭纖手摘。

親教小宋製魚羹。

姬人宋玉善烹調

夕照蕭臺賞菊天。迷離荒草只如煙。雪獮喚醒兒時夢。不到襄陽已卅年。

宋梓儕監試江西秋闈五年之中兩與試事亦文人榮遇也有詩見寄奉和

官居蓬島近如何。五載欣逢兩詔科。遙想萬人空巷出。爭看監試老東坡。

寄我新芽穀雨前。呼奴飽汲白沙泉。怪君詩思清如許。更有廬山活水煎。

來詩云得匡廬第六泉

雲鬢玉臂映清秋。難得香閨解唱酬。有寄內並和詩絕勝多情杜陵叟。飄零空自憶鄜州。

一舸江湖歲月深。西山南浦夢中尋。惟餘奎宿堂前月，照見霜天戀闕心。

李

輔耀

幼梅觴客芋園是日得雪主人索詩王秋

先成因次其韻

李文恭公星沅孫

歲晚相將訪獻軒。園中軒名談深不覺漏聲繁。劉廳自護先人樹，幽酒新開朋輩尊。白雪翻成花雪詠，文星來聚德星門。王王秋黃敬輿周蒨生何棠蓀諸君在坐知君病眼須料理，故遣狂吟止睡昏。

次韻吳中丞喜雪

早祈瑞雪得甘霖。頻惜冬寒釀不深。猶及春前慰農望，

喜從歲暮見天心。癡龍破睡驚翻窟。凍雀無聲靜守林。
賸作書生閒事業。擁鑪鍵戶學微吟。

使君所得在民和。隔歲重賡喜雪歌。昨夜說文研霰稷。
來年書序續嘉禾。湘雲積玉堆逾重。樓月鎔銀暗更多。
豫祝壽樽開歛澹。應煩舉令召羊何。

奉荅嚴

家邕

杕香同年

嚴甲子舉人華容教授以下甲午

浮雲與遊子乘飈。西北馳雲出復來。還念子歸無期嗟。

予山澤性迺爲官所羈。雖無簿領煩猶有籩豆司窮愁。
守橫舍寥落湖之湄。時作乞錢醉飽吟潑水詩。憶昔同
鄉舉大名交口推。至行絜曾閔澄懷契濂伊。累邀削牘

薦雅被國士知遲迴限成格畜大不自施苜盤有餘戀

園帛虛隆儀遂令邱壑中坐老廊廟姿繫予百不逮懶

退差肩隨幽尋憶塘荷君居荷淨山莊高步傾園葵子有園名葵園歡

言不盈耳別恨歎在眉邈如太白月晨光耿天涯昨來

聯翩詠寫寄長相思悠悠潭水情手挹千頃陂子似舒

堯文郎君眾目奇不愁霜月苦會有天風吹我似白香

山華髮尙無兒未容寄禪榻已辦放柳枝殷勤枉尺素

佳想何由追惟有葫蘆書往侑濁酒厄寄補注漢書天文志一卷

王秋偕笠雲寄禪素蕉道香初春集雨珊浩園寓

齋王秋笠雲寄禪三人有詩素蕉畫梅道香作篆

成一小幅雨珊索題

喧中有靜趣物外多勝流夫子李仲元逍遙任天游四
公偶來話微吟雨湯休銀鉤與縞袂爛漫紛相酬東風
入浩園城市迴清幽方塘綠生漪弱柳碧上樓衡山豈
不好蛛蝥羅四周爲問八指師悟此解脫不寄禪號八指頭陀時
歸自衡山飄然湘綺叟鴻爪與雪謀吟成五字詩永使清景
畱牛耳終有屬遲君湖水頭王秋數年前於碧浪湖作詩社執鳥獲同
心何患無輕舟

憲齋中丞秋日自請督師赴援朝鮮奉旨駐

威海衛後路作詩四首寄之

虛受堂詩存

卷十四

三

萬國嬉堯日東溟有遠氛舉杯仍僕射橫海忽將軍楚
袂投方起終纓請已聞精誠能動眾士馬氣如雲

八論安東極精光共日懸不聞親藥石終見被戈鋌彼
狡橫邪馬吾軍畏跼鳶

杜子美詩天
炎畏跼鳶

心寒碧蹠館

謂葉
志超

牙山何策壯臨邊

越劍何曾學夷船爲底浮若無遼海戰眞作杞天憂上
相嚴封守中朝亟本謀非常功有待公可借前籌
聞道行何速窮洋望卻賒宵燈圖海岳曉鏡測風沙鈴
畫凌三島星文待一樣坐教平秀吉轉眼失雄誇

感事二首

喧呼長沙市一月三點兵借問發何所召募遼東行湖
湘多健卒信美非虛聲所恃廉恥將恩勤如父兄武人
苟得志王事非中情焉用垂盡餌羞彼旣飽鷹吾欲箴
大府練實毋噉名自非羅李儔勿損忠義氓
宇宙機日新取威在制器尼山生今茲能無六合議一
從西寇深橫海學都肄愚夫安墨守達士驚談異東藩
久不國重以鄰虎伺綢繆二十秋牖戶安所寄長平無
天幸廟上太兒戲爲問燭大夫鄭亡子何利

虛受堂詩存卷十五

長沙 王先謙 益吾

諸將五首

以下
乙未

元菟城頭棄甲齊。白狼河畔惡氛迷。指揮已失王昭遠。
脅偪仍甘馬日磧。豈有師干持幣玉。自拌國命委塗泥。
輕身未悟戎機伏。視息何顏對介圭。

榆關自昔萬夫防。浴日亭前一葦杭。縱使旄頭驅突騎。
柰無長鬣返餘皇。壇場已是驚南鄭。旗幟空聞出順昌。
報國此心灰未盡。莫令七萃飲胡觴。

飲馬長城夜帶刀。中丞蓄意壯龍韜。沙如士氣搏還散。

舟似兵機學便操。任作終軍拋越徼。可容房琯諱陳陶。
清才雅望論龐晏。始信中樞擘畫勞。
摩天嶺外塞豺狼。一劍從容鎮朔方。明徹無端困清口。
冠軍終竟在安陽。老姦未免疑彊弩。慷慨猶聞賜副槍。
富貴已盈忠孝簿。不知若箇是王常。
漢家何意棄珠崖。湟樸山川禹甸皆。抗疏一鳴天外鳳。
陳軍欲式道旁蛙。久聞守土區分密。誰信臨期號令乖。
蕭瑟臺澎島邊路。百年流恨李臨淮。

張子蓉吏部之封翁八旬重遊泮水有詩次韻

卻憶香芹采魯侯

用坡詩語

儒冠催髮白盈頭。肩隨俎豆三

千士手漑椿靈八百秋學道會看融式鄭感時宜作望
與周最難賢子知幾早肯著萊衣薄宦游

憲齋中丞奉 旨回籍有詩次韻

春入甘棠浩滿湖秋歸笠澤未思鱸詔書不勞顏有道
謠詠真成屈左徒赤手回天元自彊明心如月豈嫌孤
卷懷霖雨知無憾愁對寰瀛國使圖

再和

宦情細嚼真如蠟鄉思初深不爲鱸便合孔顏參道侶
更教歐趙作門徒近以所藏金文千數百種編爲集古錄真大觀也手拏蘭澤
芳風遠夢入楓橋夜月孤它日相思寄何物葫蘆書換

虛受堂詩存

卷十五

二

輞川圖

題易寶甫魂東魂北魂南三集

易名順鼎龍陽舉人河南候補道江

蘇布政使
佩紳子

一騎榆關共雪飛。兵戈愧爾老萊衣。詩篇苦思令人瘦。
國事甘心豢敵肥。曹李厭厭生亦死。房劉碌碌是耶非。
手無迴日霜鋒在。欲把江東羽扇揮。

求金趁舶赴戎機。膽畧如君世所希。鹿耳鯤身猶可守。
烏頭馬角不言歸。耿恭疏勒期同死。元翼深州竟突圍。
枉說健兒身手好。坐看炎海長封豨。
不見犀舟日夜浮。滄溟何計限鴻溝。人元皆醉天胡醉。

君欲言愁我始愁。大渡畫圖疑玉斧。臺城說夢是金甌。
高歌青眼憐吾老。前席應煩效一籌。

實甫自言前生爲張夢晉其友藏張船山書畫冊
中有張靈後身小印以歸實甫攜之至臺灣索題
西蜀才人小謫仙。戲畱鴻爪證前緣。楊枝往事香山記。
更有東坡似樂天。
不用金環證本元。蔡張才貌亦同論。祇因宿世俱詞客。
合作三生石上魂。
詩酒酣嬉剩放顛。衣冠束縛且逃禪。大名幻作張三影。
小傳誰繙黃九煙。

挾筴圖南氣未灰。滄桑俄頃劇堪哀。淋漓十幅增聲價。
曾伴唐衢痛哭來。

題女士黃叔嬭蕉琴閣詩稿

黃名嫻。長沙人。學詩於兄膺。適前任浙江

巡撫胡公興仁之子。夫歿無子。以姪矩賢爲嗣。矩賢入翰林。母歿六年矣。

一訣凝之餘。素褥每聞孝綽閣。吟毫而今一卷編珠貝。

林下風清韻最高。

蓬山清選萬璠璣。虎脊鴈毛譽未虛。多是流漣對瓜果。
不憂皇覽少傳書。

陳秉初從軍山東。隨李總戎駐登州。見示詩集題此。

成。山。東。指。海。蒼。茫。聞。道。如。今。縱。葦。杭。按。轡。有。軍。屯。細。柳。
彎。弓。無。路。射。扶。桑。近。傳。號。令。推。光。弼。誰。解。文。辭。重。孔。璋。
羸。得。袖。中。新。本。在。醉。磨。盾。墨。寫。淋。浪。

讀鄧小竹詩聞已之官浙西題此寄之

相。見。無。多。別。意。長。酒。邊。把。卷。隔。河。梁。清。才。自。合。趨。青。瑣。
家。法。猶。應。繼。白。香。底。事。踟。躕。持。手。板。未。妨。跌。宕。坐。吟。牀。
東。坡。俗。吏。何。曾。俗。往。伴。孤。山。鶴。夢。涼。

荅蘇湧泉

其兄子興
從余學

蘇。門。蟬。嫣。出。宋。代。今。見。君。家。復。相。似。功。名。雖。已。遜。軾。轍。
的。當。斜。川。有。居。士。烏。衣。戚。戚。生。儒。風。雙。章。對。月。光。浮。空。

元理遙知伏武子雅游應復過王戎

江建霞母華太夫人守節教子五十時其兄翼綸

繪竹柏圖爲壽今建霞督學湖南兄衡亦入翰林

並有譽望太夫人六十有四矣爲題此詩

建霞名標吳縣

人余督學時所取優貢

竹柏樓高壯江縣

蘇州楓橋有袁節母竹柏樓

雙清復此開圖卷縱

橫豪翰凌風霜壽相貞姿眼中見大雷書意蓄悽婉渭

陽詩情增感眷豈惟孝綽重徐娘早是景文知褚炫鸞

迴紫誥下天關郎君雙入蓬萊班高名況作大小山湘

江魚筍開慈顏皇天老眼信未瞑富貴豈不由憂患它

年名蹟流傳徧燈影機聲伯仲閒

題易實甫藏張靈畫歲寒三友圖

祭酒宗室盛昱所贈

王孫祭酒吾同官好奇嗜古搜荆關得君前身畫師筆

王右丞詩前身應畫師

鄭重寄託來湘山世稱三友松梅竹山茶

代松無乃俗畫工造意不嫌新雪許芭蕉成眷屬幽人
高士盡堪誇松葉摧風老可嗟東坡詩意趙昌本商畧
替將兒女花有文不作金閨彥元墓山頭來野奠竹垞
猶編絕命詞周星爲合佳人傳佳人才子總灰塵那有
來生未了因世間好事兩癡絕龍陽子與遂寧孫還君
此畫好珍惜精魂便是三生石何人更惠崔微真千古

華堂映連壁

送周麟圖

肖軒之任岳常澧道兼酬畱別之作以下

丙申

周侯廊廟姿家世忠孝美晏嬰不六尺徐勉能千里吾
師文勤公手握天下砥羣從盡鳳麟如公迴岳峙高歌
酒披肝妙論花粲齒清襟一塵絕顧笑萬事理甘霖行
衡疑曹郎出歷仕九年領權算宏纖粲有紀中丞勇新
政兼聽日填委青蠅適何來白璧終不毀仍持安撫節
去作美俗使裁裁燕子山悠悠澧之水一麾舊遊處丁
壯昔童子曾爲竹馬迎歡言溢城市謀謨奠毗席華實

見根柢老梅森歲寒本不慕桃李佳章紙勞手惠頌情
側耳富貴今鼎來龍吟聊復爾杜甫詩龍吟同其頭

題俞

廉三

虞軒臥遊圖

俞山陰人湖南按察使官山西思家鄉山水之勝作

爲此

圖

行雲思故岑高鳥戀衡楚湖山隨處好人意重鄉土何
況浙東隅勝境寶秀聚釣遊便童稚煙水狎庭戶一從
晉陽役遂與稽陰阻千巖不到眼萬壑冷無語未能遂
初服且復尋畫譜鼓枻入霞川結茅坐煙嶼班廬證陶
約魯墟仿陸敘此意反臥遊出處各有取漫勞鏡湖夢
終作平泉主何以明願言樹枌環舊墅

讀沈子粹讀道書詩題贈

東坡晚辨道。開示亦多端。究觀何所適。竹几與蒲團。方知性命宗。解人良獨難。伯陽有神契。玩易得坤乾。探源歷千載。幾人涉其瀾。呂仙雖云往。平叔啟真詮。後來龍陽子。瓶隱朝九天。可知道力大。薪盡火自傳。薛陸及陳孫。揮發心神殫。吾愛濟一子。快筆蛟可剗。先生鸞鵠姿。風雅見道根。微言醒羣夢。不在內外丹。下升河車運。仰咽金漿餐。眼明龍虎交。髓得龜鳳填。紛紛濁世子。意外求汞鉛。老雲信道侶。惜哉逝不還。願言永追隨。贖取形神完。所愧非達士。槃筭煩細論。

壽沃州山人詩

沃州山人
笏山自號

沃州山人以道養真名遁濁世神留古春翩然東來霞
軒睂宇意抗彭齡心循孔矩昨者初度禁聞祝言俗士
走尋逃之寺門祝君富貴世味塵垢祝君壽考長生自
有不如侑君三五吟朋席惟素食坐有高僧暫借園林
不論賓主酒下清言琴繙新譜山人怡然茲遊實娛曷
永其傳有詩有圖昔我識君飛騰冠蓋今茲還往同挂
簪帶君超無有我悵浮生願領道要存神修精更千萬
年大笑相視三古重來盧敖若士

馬柳畫扇爲碩甫題

瑞相秋墳苦竹卑徐園衰柳夕陽遲百年紙上幽香在
憑仗春人好護持

卻憶詞人舊院行昇平勝蹟讓傾城王郎白面來相向

葉葉花花盡有情

右馬湘蘭畫蘭

賈充母與虞山妾曠代相看祇淚零江水盡淘金粉去
章臺終古色青青

證取蘭因解柳顰絳雲舊句說前身不知連璧何年合

神物猶疑劍躍津

右柳如是畫柳錢牧齋題云吳趨秋水張子以湘蘭舊扇屬河東君補

畫吓戲辭不詩云幽草化烟香在扇柔條垂碧繫新絲前身變相今身影證與菩提喝棒詩虞山俗衲謙益據此背面乃湘蘭畫然與此馬畫扇式不符彼畫不知落何所矣會合有時書此爲異日之券

題王船山先生書卷

書爲丙辰贈千壽寺惟印大師者丙辰康熙十五年吳三

桂踞湖南時也書云永祿丁亥春於今三十年矣閒身猶在如昨日也其時余居南嶽雙髻峰初晴方暄徧尋諸峰與慈枝元赤二上人間惟印大師轍一茅羅漢臺欣然卜爲遊詩之始登雲霧堂微陰自天台生不爲慮寒阻至葺知師過別峰去徙倚久之作小詩云做踪埋落葉雲碓靜溪水遙知別峰賞回望片陰紫遂衝雨過南溝宿彌谷含白香篆不能出戶轍一鐙茶話十九在惟公遐我也嗣聞公往長沙千壽而余遜荒窮谷念餘生無相見理不期今者於薇堂燕山公署中一遇公年今轍一十鬢眉如余遊嶽時峰頭雪不到處略露數點青耳余亦衰老益驚遷流遂用前韻紀之公當轍一我山情不淺也嶽峰片片雲偶餘渡湘水公能先我心不挂國師紫三十年來折腳鐺作鼎烹鼎養浩浩徧天下公獨守野雞潭一波羅提木叉禪院法喜蕭然物外三炷香中燄字不知佛圖澄在石勒國土有此自在否大丈夫墮地赤條地有誰縛繫逢場作戲何求不可余曾

有句云除卻死生吾與汝有誰白戰是英雄李文
饒非知道者亦解道不逐隊行澹歸所云見說男
兒行處是莫將青眼哭途窮誠有味乎其言也余
丁亥至飛來船有詩云偶然一葉落峰前細雨微
煙嫵扣舷長借嶽雲封幾尺瀟湘春水座中天當
時偏示山中人無相解者使一天冰雪畱公住
團瓢中當登時領取不待今日重爲饒舌也世有
出世出世有世出不出世不世卽世卽出卽出卽
世堂堂昂昂眉毛下只許鼻頭領過公奉妙法
蓮花塔三千僧是大乘菩薩是蘇子瞻云我是小
乘僧只此一語頂戴不小公以奕爲遊戲與余
品皆最劣然終日欣然對局不倦王積薪必無此
樂也一行和尚冷眼覷破止知著著求先故不能
出普寂圈續中古今人當推我與公爲最上國
手輒覆前韻以一絕終之看局如暝煙下子如流
水著著不爭先楓林一片紫丙辰初冬南嶽續
夢葺柴人王夫之旅葺
燈下此卷今存寺中

雙髻峰幽病榻寬卅年情事總心酸雲翻雨覆江沈陸

贏得閒身局外看

吳曦反覆固無成。勸進真羞阮步兵。此日窮山甘竄伏。

早知祓禊賦中情。

三桂僭號在戊午後此二年

千壽開山有散僧。鄴宮寺裏佛圖澄。東坡三問南禪老。

便是空門無盡燈。

續夢葬中憶舊盟。野雞潭畔話三生。片言補史箴衰叔。

公鼎紛紛折腳鐺。

不論勝敗總欣然。頗似髯蘇對局年。眼底河山成破碎。

一枰何意更爭先。

淒涼勝國一逋臣。紀歲惟應署丙辰。恰比淵明題宋厓。

虛受堂詩存

卷十五

九

未妨枋得作元民

題碩甫游衡嶽詩冊次佛寺畱別韻

逸氣凌秋代北鷹未應長嘯讓孫登
海天入手四魂集
山寺浮蹤一食僧
我亦煙霄望迴雁
空思雲路跨飛鵬
知君埽石畱題處
七二峰頭朗慧燈

上林寺餞送易

佩紳

笏山歸龍陽次前韻

再世支公合愛鷹

君自言支遁後身

揭來香積快同登
自攜舊

帙貽儒侶爲喜清齋伴律僧
南谷尋幽思隱豹
北冥觀
化悟搏鵬輪
君早得還丹訣
百世風飄過眼燈

讀笠雲上人詩集題贈

補。恒。勝。遊。前。後。寺。如。來。正。法。北。南。宗。上。人。了。徹。三。千。界。
福。地。仍。歸。七。二。峯。湖。上。畱。雲。清。譽。滿。杭州人爲上人營
寺西湖榜曰畱雲
湘。中。隱。霧。道。情。濃。用詩一。編。自。擁。江。山。氣。百。歲。長。看。冰。
雪。容。

觀奕次子粹韻

早。歲。嗜。小。數。驚。精。絕。塵。營。邇。來。息。機。心。斂。手。對。空。枰。本。
無。爾。我。見。黑。白。胡。太。明。抵。掌。河。山。裂。捫。腹。戈。矛。生。先。生。
晚。耽。道。意。態。猶。縱。橫。我。如。東。坡。翁。有。味。在。無。爭。敲。門。瞋。
俗。客。啄。木。故。丁。丁。

初秋至開佛寺作

城中困溽暑。況乃酬對勤。俗務驅復來。擾擾如秋蚊。今
朝憩野寺。披豁天宇分。賴有賢主人。爲我滌垢氛。翼然
一虛艇。寺後有屋如舟坐攬清湘瀆。雖無利濟用。吐納頗不羣。
來帆與去馬。速若風卷雲。靜躁同一息。勞勞竟何云。遠
儀楚王殿。近指番君墳。空餘弔古聲。哀蟬送斜曛。苔碑
久零落。何處討舊聞。幸獲半日閒。聊寄心所欣。

聞李相國出使俄羅斯賀國主加冕二首

漢史空聞傳大秦。夫差冠好賀儀新。雄邦應有三千客。
上相依然第一人。
符離未合輕張浚。越嶠還應厚陸生。畧有門風同四使。

朝命以公子某偕往賞三品
銜公復以長子經芳從行
須知國命重連城

述懷

以下
丁酉

余幼好奇偉不畏俗子嘗食其雖儒冠仲翔有高氣偏
側閭里中恥顧蝸蚓餌長懷千載友甯論一室事弱齡

經喪亂樓船管書記老彭曾競走

予在水師嚮導營一日見彭剛直公問予

能走乎對曰能公上岸疾行予從之至一市鎮小憩則
三十里矣光緒丙子予主浙試楊中丞昌濬與公招飲
於西湖公邀余上岸繞孤山諸寺而歸頃刻閒十數壯
里公笑曰吾老不能疾行君若此尙是幹事身子也

王時並騎

營主王公吉後終
於狼山鎮總兵

不能從俛仰頗復多慢易

尙枉孟公畱甘作楊津避忽逢長沙友邀共泉陵饗飽
看山水歸窮途亦高致隴西開幕府陝南仁儒帥中道

有分張微材免瑕累梁公實桓桓膽氣固少二抗手杯

酒閒披肝野營次大江平若席酣臥有餘地

駐營漢口

謀報

羣撚來早市纏妖燧深宵呼起起草檄不成睡尙想九

真役凶徒俄蟻萃元戎空瞋目老將或垂淚飛礮鳴我

前高唱倚薄醉

余與巴陵廖君在圍中共爲戲劇時有礮子從帳上穿過

突圍走天

門道左紛賊幟湖橋中夜斷縱馬泐更墜移軍斬水縣

張幄孤峰翠炙背當驕陽披襟逐涼吹

營於縣隔河山上夏日無樹陰

可依輒伏

習勇喜觀陳受降甘報使

有撚數十通款求一人往爲信余得

請於梁公

蹴踏骸骨場見慣了不異顧慚百鍊質庶獲

一割利何期忝高科謬得陪清位低心就繩墨眇目覩

文字肉食遠謀虛頭銜流俗貴悠悠世事改冉冉頽年
至方隅空砥平瀛海競鼎沸我如祖士雅時有聲警寐
又似曹景宗尙憶火出鼻事願每自違身世已無繫由
來撫髀歎不溷洗耳志艱難況飽歷生死久慙置天公
不見收水伯亦屢棄三次溺水遇救長歌射虎山奮袖嘯猿寺
十字夢中所得悠哉復游哉終已快吾意

嶽麓書院半學齋偶題

山齋得妙理事外斷意識花樹香正紛几案靜如拭晴
窗百編橫虛室萬想逼不如卷此心貯之水精域

題吳熙少芝詩集次集中間雁元韻

嗟君心力拋毫竹好詞擷秀湘山綠感激餘哀寄渭陽

謂君舅周雨樓觀察蕭條老眼看雲麓百年歲月堂堂去莫問鶴

樓攜手處幼時相見於黃鶴樓不如埽迹五湖南狂歌痛飲日側

巖江湖散人自署衙

次韻陳右銘中丞送江建霞學使任滿回京

飈輪截海天無垂氣所未吞以息吹魯戈挽日桑榆時
如墨悲染楊泣歧陳公江公經行處邵伯甘棠劉尹樹
開襟共飲清湘水分手何堪黃葉路楚南學子潛湖濱
不聞東海將揚塵聰明墮黜心智塞匪有宗匠誰陶鈞
元和使者胸崢嶸指點覺路金繩生眾材雲蒸初出土

豫章倚屋勞孤攜九州有論非迂大滄溟之水一衣帶
沈思六合費綱維會借長才策荒外勸君努力毋縮手
壯年未合棲南畝濯沆聊復託同心馬范喜聞如一口
中丞學使議論投契故以司馬光范鎮爲況

黃觀虞得孫同人張樂宴飲爲賀憶鄉人同官京
師者惟余與君皆有商瞿之感余解組歸君亦不
樂仕進同居會城今君繼子又抱孫皆不可無言
也再次前韻

華筵四張繡幙垂金鼓雜奏簫管吹喜君行樂眞及時
有兒穆父婦女歧人生適意皆佳處豈可庭階無玉樹

虛受堂詩存

卷十五

三

負。贏。殷。勤。式。穀。心。策。鼃。瞬。息。扶。桑。路。縱。輪。二。子。誇。坡。濱。
東。坡。頻。羅。清。白。皆。英。塵。家。風。縣。延。舊。德。續。牢。係。一。縷。提。
頻。濱。頻。羅。清。白。皆。英。塵。家。風。縣。延。舊。德。續。牢。係。一。縷。提。
千。鈞。神。駒。頭。角。尤。崢。嶸。甘。羅。員。俶。疑。前。生。眼。前。有。硯。須。
付。與。世。界。亦。要。煩。支。撐。從。來。不。孝。無。後。大。漫。把。文。章。替。
冠。帶。副。墨。之。子。洛。誦。孫。精。神。終。隔。形。骸。外。與。君。金。門。共。
攜。手。耦。耕。還。復。依。農。畝。愚。叟。未。改。移。山。心。老。饕。且。適。含。
飴。口。

叔解白重慶東川書院解館來湖南贈詩次韻

夫。子。風。流。蜀。士。傳。言。如。揚。子。腹。如。邊。峽。中。夢。醒。唬。猿。後。
雲。外。心。飛。去。雁。前。杜。叟。浮。湘。仍。作。客。林。宗。入。洛。祇。疑。仙。

從公且作無何飲莫認歡場是別筵

題陳

昌曇

笠塘東山草堂圖

大江之南去繁昌二十里有東山由五華

而來訖宣州南境三峯並峙四時蒨蔚雲覆其上
下則東山泊也笠塘尊翁廣文先生自龍陽避寇
卜築於茲沒葬堂後之鯉林
笠塘繪草堂十二景圖徵詩

廿載棲遲彼美莊五華盡處亦吾鄉江聲日夜驅滄海
雲氣年時護草堂點筆尚畱鴻爪迹愴懷長在鯉林岡
蕭條故宅增標勝遙憶登臨徐侍郎
前明徐侍郎貢元與海瑞徐溥鄰一
桂稱天下四大君子其
故宅去草堂不數武

紀事

適足以殺益成括此復欲爲新垣平辟睨兩宮幸有變

沉。澗。一。氣。還。相。生。風。元。不。競。海。氛。惡。瀾。豈。容。狂。湘。水。清。
聖。學。依。然。揭。日。月。春。秋。始。信。非。縱。橫。

題張雨珊湘雨樓圖冊

雨珊舊讀
書此樓

閒雲不作出山遊品第從知楚老優百代湘城誰訪古
高門再見曲江樓

嶺外春梅訊到無令弟治秋
督學粵東先生懷抱似韋蘇夜來一
雨湘江冷白髮青鐙對畫圖

贈葉

德輝
葉湘潭人
吏部主事

戊戌秋八月康有爲謀逆事覺其黨康廣仁等
皆伏誅先一歲湖南創設時務學堂大吏延康

弟子梁啟超爲教習學使徐仁鑄相與主張其說一時風靡獨吳彬辭而闢之不以昔年出徐門下有所畏避復與先謙等上事大吏貽書友朋匡救之功無與倫比康所行所學惟吳彬知其深而先謙不及知其說之盛行在先謙出都後每聞其徒黨論議但相與駭怪而已得吏部言乃悟其別有宗主也嘗論康一生險詖專以學術佐其逆謀託經學似樊並能文章似崔渙議改制度似新垣平廣招黨與似王叔文借兵外臣倚重鄰敵以危宗社又兼崔胤張邦昌而

有之誠亂臣賊子之尤也湘人不幸被害者多
矣微英彬誰與摧陷而廓清之者輒奉贈四絕

句

曲士思偷造化權戲書容易發爭端此曹但可供談笑
早作妖要亂領看

自古當仁不讓師放淫拒諛復奚疑姦言已息佗鬻子
後學爭呼韓退之

荒唐我亦怕新書一任摧燒不願餘魯國聞人眞再世
孔門今見四盈虛

江河當日塞涓涓聞道秦安御史賢近事輸君探討熟

觚棱回首十三年

附奐彬和作

公羊流毒誤行權祭仲千秋肇禍端一卷詆書出牛
腹遺文休作壁經看

葵園當代老經師我亦傳經共析疑受業子思子門
下固應墨者距夷之

疏解郵通四部書遺經收拾亂離餘等身著作能衷
聖不似文園賦子虛

異文爾正別瀆涓考訂桑經正昔賢力挽狂瀾注東
海河汾講學太平年

太息行

六。合。以。內。無。戰。爭。梯。航。雜。沓。闔。戶。庭。三。年。不。飛。亦。不。鳴。
坐。括。賄。幣。輸。滄。瀛。老。成。謀。國。乃。如。此。四。顧。蒼。茫。安。所。恃。
一。言。底。事。厚。鄭。朋。百。口。公。然。保。朱。泚。臣。罪。當。誅。聖。澤。
滂。薄。施。譴。怒。亦。恩。光。不。聞。經。術。終。何。賴。太。息。當。年。韋。子。
章。

狂子行

官。不。可。爲。去。作。賊。用。夷。變。夏。胡。可。得。民。權。陰。襲。拏。破。僉。
教。祖。欲。追。摩。哈。墨。滔。天。捲。地。誰。復。論。但。見。魚。爛。黿。鼉。奔。
陳。相。自。悅。許。行。學。曾。靜。實。喪。張。熙。元。神。祖。聖。伏。綿。千。載。

至。教。昭。垂。日。星。在。春。秋。如。綫。終。一。匡。不。信。橫。流。倒。滄。海。
中。行。之。背。何。足。咎。憂。時。賈。傅。勿。歎。咨。君。不。見。張。吳。兩。狂。
子。只。有。流。傳。題。壁。詩。

自嶽麓書院晨過牛頭洲回寓園

以下
己亥

山。桃。猶。照。眼。洲。柳。盡。低。眉。春。滿。朱。張。渡。天。清。屈。賈。祠。
野。步。樓。亭。穩。江。城。隔。岸。通。東。坡。詩。境。裏。來。往。一。帆。風。

戲柬李佛翼

幽。意。素。所。愜。新。歡。應。重。尋。團。團。古。時。月。分。照。兩。人。心。
山。川。固。殊。形。清。麗。絕。可。喜。令。兄。有。秀。句。澄。江。散。霞。綺。

溪堂二首

午枕拋書倦不禁。溪堂長晝自陰陰。斜陽坐覺孤紅遠。
一雨能令萬綠深。

觀化心游物外天。欲從蒙叟問虧全。深林喜見烏成轂。
靜坐時聞鳥捕蟬。

次韻葉煥彬二首

眼前培塿亦崑崙。那得雲夢共吐吞。排日課書聊自適。
幽居有味與君論。頭顱白映繁花燼。衫袖烏盈淡墨痕。
珍重牙琴山水契。要從千古證蘭言。

閩上筆峻邁崑崙。脚底狂瀾氣盡吞。不信劉歆能改傳。
恥從張禹學爲論。分題走筆詩無債。感事傾襟酒有痕。

時局如棋思國手盈廷誰是顧師言

次韻送朱

益藩

純卿太守赴沅州

朱前由翰林散館

早陪軒帝謁崑崙俯視曹劉不足吞名業會須千社祝
文章還其一尊論銀釵促曲聽新誦珠履行吟記舊痕
更放清光照衰朽任棠伏戶欲無言

寄禪詩云出世尙爲人所忌浮名終與道相妨感

而奉和再次前韻

河流終不撼崑崙幾見妖墓併月吞尺道丈魔如夙約

語云道高一尺則魔高一丈

一瓢千駟總同論觀空應識空非色入

夢從教夢有痕我亦逃名思避世開顏相視兩無言

周 躋 審

慕陔元日贈詩次韻

以下庚子

客棹來爭湘水春

君去臘到湘在立春前日

重逢我亦白鬢人早知

身世都如夢卽論家山恐未真

君子榕湖爲蜀諸生君孫在粵赴試鄉人阻之

君憤曰吾二百餘年舊家乃以爲非真粵人邪遂攜家出游此語特戲之

旅次團樂賓亦主

天涯談笑遠仍親摩挲銅狄無窮感坐看瀛寰事事新

菜花

繡陌風香不計叢春肥捲入暖泥融輸他千萬閒紅紫
擲盡金錢一笑中

村夫

漾漾千畦貯水勻土膏深處一犁新村夫偶語含歡意

雪足深冬雨足春

題徐

治平

耕娛夢園秋禊圖

徐吏隱湘中工歌曲繪事爲圖志雅集

傲吏固應成蝶隱名園何處不槐安眼前筆底閒花草
都作先生一夢看
絲竹親攜載酒過玲瓏唱罷使君歌蘭亭自惜無絃管
孤負風流晉永和

次韻寄禪見贈

少接塵容夢不驚細觀物變坐忘情年來識得安心法
不避譏嘲只避名

蕭然瓶鉢本無求畱得茆菴豈自謀不信崎嶇人境外

風時復到僧樓

無端

炎夏飛霜。檄煙塵塞王畿。無端聞兵戈。不辨是非。自從甲午役。戎備已全隳。吳舟恨不返。魯戈安足揮。徒知償國責。無復慮危機。秉釣者誰與。謗議焉可辭。一朝有赫怒。豈不壯。皇威所懼。淒風寒當之。以綌絺。鄙夫迫衰病。樞馬但悲嘶。臨餐不能咽。徒倚盡餘暉。

陰陽固異理。邪正無兩伸。江陵忽問鬼。桑田方降神。中樞與閭外。識解兒童鄰。離宮白蓮花。化作千萬燐。不恤外患亟。閭閻已灰塵。病夫挑眾桀。丸泥塞通津。舉國尙

狂語尊攘及茲辰賢哉吳橋令勞迺宣著拳不畏上官
瞋載誦元老書榮相有與感歎一霑巾吾謀適不用勿
謂秦無人

聞徐小雲尙書許竹簣侍郎袁磬秋太常之死感賦

當年皇路共驂駢達識高文世所希喜說青雲還
接武何期白首遂同歸死甯逃罪難言獄智縱周身亦
蹈機上蔡華亭已悽絕較量今日倍歔歔

聞鑾輿西幸

鯨鯢欲截翻沈陸虎豹空屯未守關
紫極雙懸離

北闕黑波九派蕩西山卅年下殿遵前覆羣小迷天啟
後艱函谷定知真氣滿薊門終望
翠華還

恭讀

諭旨莊親王及英趙

賜自盡啟徐

毓正法賦此

以下
辛丑

誰遣燕郊走百魔不應國事盡依阿豎牛專柄危將
至侯馬全身幸已多軍機大臣剛毅在侯馬病故終竟鼂生須死謝
空聞延廣誦橫磨冤魂碧血無人惜其柰
皇輿板蕩何

題彭剛直畫梅

憶昔陪公在戈船羨公搖筆生雲煙公言我畫不自惜

它時要與名俱傳。離離宿草久停哭。驚見蛟虬粲盈幅。
當年色動韋侯松。今日神懷與可竹。冰心鐵骨誰頡頏。
固應毫翰餘芬芳。若使東平魂不死。圖中樹亦指咸陽。
時駕幸長安使公尚在不知若何悲憤也

次韻湯

聘珍

柚菴感懷

前任山東布政使

急漏敲詩耿不眠。殘鐙催曉坐攤箋。當官早退甯非福。
課子能文勝有田。燕雀若知鴻鵠志。蜉蝣亦識鶴龜年。
與君配作長庚月。耿耿輝輝欲曙天。

神州底處好安眠。欲埽詩愁更擘箋。越邑曾聞建德國。
周原還有不爭田。暫拋海外無涯感。閒送樽前有限年。

蝸角蟻柯堪一笑。淵魚潛泳鏡中天。

次韻沈

偉

伯華

安福縣知縣
以下壬寅

一騎春風導板輿。潭潭官舍似仙居。新詞高入屯田格。
舊帖閒摹松雪書。見說疲氓歌惠政。由來循吏出醇儒。
濟時結輩真堪了。杜老前籌計未疏。
出處澄觀四十年。較量時輩豈能賢。辭官因病非高尙。
遣興爲文亦偶傳。坐見銅盤辭漢武。夢聞石鼓頌周宣。
惟將家國無窮感。和子清詩一泫然。

虛受堂詩存卷十六

長沙 王先謙 益吾

次韻朱純卿

時新設師範館大吏請予爲館長朱任學務處提調索其章程觀之朱先

有詩因次韻

以下癸卯

世。事。蒼。黃。我。鬢。斑。縱。陪。歡。笑。亦。愁。顏。飽。聞。新。政。科。條。急。

不。放。陳。人。几。硯。閒。

東坡詩相逢且喜是陳人

公。意。會。從。無。會。處。

湖南自梁

啟超講學後人心浮動大吏與君皆以學堂不能不辦然流弊宜防此必設館長微意也

我。生。材。與。

不。材。閒。願。將。楊。湜。章。程。學。火。速。傳。薪。不。要。慳。

卽事再次韻

攬。鏡。羞。看。鬢。髮。斑。每。憑。尊。酒。暫。開。顏。水。流。不。競。風。何。激。

雲意雖忙。山自閒。莊叟遊從塵壒外。卓侯行在濁清間。
驅驅爭奪成何事。頗怪生才造物慳。

贈別虞軒中丞

有序

光緒二十九年癸卯春三月虞軒侍郎解官還
山陰公撫湘五年清以飭躬和以接下公以應
事惠以育民意量淵然飲不自足而綱紀百度
密運無形敏給者無以尙也庚子歲拳賊肇亂
乘輿播遷列邦要素償款事定後搜括民間
率土紛擾公默運淵衷旁采眾議經費大集閭
里不驚壬寅歲辰州民惑謠傳戕教士二英人

以爲討戮九人府城文武官貶流有差且必斬
營都司以洩憤公盡焉傷之引疾避位適有移
撫山西之命再辭得俞旨高懷遠致有識

嗟美邦人士思慕不已相與作爲詩歌以贈公

行

先謙

乞休家居十數年矣素性斂退與世不

競至官府之事一無干預獨地方利害聞見所
及必以上達以爲於分應爾也憶戊戌歲變法

詔下康有爲居中用事令阻撓新政者寘重

典康弟子梁啟超爲大吏延聘主講時務學堂

人心大爲煽亂

先謙

鳩同志上書巡撫條舉實

蹟請嚴飭禁巡撫用是積嫌蓄意羅織公時任
藩司頗以正言相匡直去歲有劾武員者牽連
及先謙公奏白其誣若斯之類公於先謙非有

所私然竊謂非公之本源清正識鑒深沈察之
久而信之確殆不能如是之昭晰無疑也知己
之感誠結於中謹賦七言一章並疏短引附於
宣德抒情之義云爾

公。德。在。民。民。不。知。忽。聞。移。官。嗟。失。之。普。民。戀。公。亦。如。楚。
一。疏。歸。田。兩。地。思。諸。戎。鼯。睡。臥。榻。左。撻。突。要。求。無。不。可。
蚩。氓。逞。忿。煩。公。憂。若。己。推。溝。深。引。過。一。再。陳。情。投。我。簪。

結茅徑向稽山岑。神功未云滿。農望自要閒。飛不作霖。
公身伊臯性。園綺峻節高。情誰比似臥。看山陰萬壑圖。
坐飲清湘一杯水。我識公顏七載餘。不堪天地日榛蕪。
昔聞罝網到猿鳥。昨見風雨驚菰蒲。逝將匿影蒿廬下。
謝絕朋遊效顰啞。遺榮還共惜。知章造物甯能捨。司馬。

次韻彭政樞 菽原

嶽嶽神峯鬱寸襟。汪汪學海映千尋。詩材羣揜雅大小。

書說細論文古今。君精研今古文 尙書有撰述愁見干戈伏庠序。詩君

云鄉校干戈伏 科名藝術窮暫教金石出歌吟。掉頭且復迷空谷與。

子千秋證賞心。

題廖

樹衛

孫咳珠泉草廬圖

廬在甯鄉縣南有珍珠泉故名廖以訓導

辦常甯礦事今提調省城礦務局 以下甲辰

桃李松楸梅杏榛泉香石瘦竹橫斜江山清自元延祐
林壑奇於晉永嘉學道故應幽意愜多材未免世程賒
自言蜀郡楊雄宅恐是洛陽司馬家

寄禪上人歸長沙談近事護法甚力今仍赴甯波
以詩送之

乍返湘中又越中人天法界未全空野狐倒處驚禪杖
猛虎馴時衛梵宮佛骨玲瓏雙地藏詩心來往一天童
每吟袖白眉青句長覺湯休有夢通

上人有憶天台茅屋詩云袖底白生

知海色眉端青壓
是天痕歎爲絕作

李幼梅寄示其祖文恭公

星沅

及其父編修公

杭

館課詩賦卷爲題此詩

各律賦詩一潘文恭公錫恩評定

憶歲庚子天降災聯軍橫海窺燕臺翰林之署庶常館

棟宇俄頃成煙埃

文淵早陪校理列

四庫圖籍安

在哉衣冠文物亦異昔故家遺澤吁可哀

觚棱夢斷

十六載巢痕欲覓空驚猜故人寄示秋卷作

李肇國史補唐制諸

科特重進士曲江既宴退而肄業謂之過夏執業以出謂之夏課亦謂之秋卷

使我展讀心顏

開君家祖父瓌頰匹仍世文昌依上台豐功清望兩峻

絕卽論詞翰俱仙才玉堂沈沈清切地執業就試相追

陪吳縣相公大教習品第甲乙親鑒裁老成往矣典型
在彝鼎光燿垂後來何況章平傳世業手澤珍重逾瓊
瑰側聞時議急新政莘莘學子良願乖制科行用學堂
代詩賦已被策論排國家富强自有道豈在取士文
章階帝闈欲叫不可達坐見陸地奔江淮如君家風
今有幾世守忠孝平生懷還畱此卷作掌故續補國史
資談諧

送吳自修學使

慶坻

歸杭州

廿年不踏長安地夢想朋游醉文字聞君持節渡湘來
喜入鐙花照無睡知君慧眼湘月明信君澄懷湘水清

賢名一日播萬口邦人引領神先傾甄文採弊不遑恤
遠接朱適然張嘉亨近無匹乘輶崔浩時共榮奏賦相如自
稱疾王程三載甫經年何意告別乘歸船君身豈藉官
職重所惜多士無良緣明廷衮衮登英傑不信扶危
少施設育才堂館高切雲勸學文書紛似雪樹人敢謂
匪嘉謀城社狐鼠難可搜狂夫橫議懼民散相忍得非
根本憂我今伏處成衰暮箝口藏身真自誤君雖暫歸
行入朝莫忘青蒲陳諫疏

酬朱純卿

烽火邊援亟

時廣西寇警

歌吟夙好敦追歡到鄰里編集續

崑崙

君昔與奧彬酬唱爲崑崙集

戰鬪非吾事蕭閒亦

國恩梅花

勞問訊索笑有清尊

送海印上人

永光

返沅江景星寺

海公耽道術無限活人心善廣文殊化偈持修睦吟幽
棲新得地歲晚卻歸林別思渾無極沅江未覺深

海印住持席公祠西偏有園爲之經紀花樹賦贈

一首次來詩韻

瀛洲雖小有

祠地舊名小瀛洲

佳景足晴陰朝爽孤峯迴宵清

萬葉吟開園知雅趣養樹亦仁心爲想禪房地來年花
木深

送陸春江中丞移撫蘇州

陸以漕督權撫湖南甫半歲去以下乙巳

轉漕安東節鉞鮮道旁民尙喚青天陽來有腳嗟春晚
雲住無心怨雨偏肯爲學林開廣廈誠祈豐澤潤征韉
相看白髮難爲別文讌情親十七年

狂瀾萬派儘東趨一卷窮年守敝廬祇恐壽陵迷故步
元非淮海怕新書 明廷待士 恩何渥率土遵王願
豈虛結舌自須吟杜句感公贈語抵瓊琚

虞軒中丞寄示吳仲遠嵩洛訪碑廿四圖臨本公

子啟元摹諸家題跋爲題此詩

錢唐黃易秋盦嘉慶元年九月自開

封至嵩洛經懷慶衛輝往返四十日得碑四百餘種成廿四圖孫淵如翁覃溪以次題詠甚眾吳清

卿中丞曾臨寫一冊
仲遠亦錢唐人也

秋盦先生藝苑雄壯遊快騁雲外蹤尋碑數抵佛經部
用魏書釋老志語作畫番分花信風百年一瞥飄輪疾對竹軒

中見眞筆

曾於周自菴丈小對竹軒獲觀此冊

虛窗展讀眼逾明炯如嵩

洛清光溢孫翁題識祁何章後先翰墨登名場窻齋摹
寫誇絕妙此手近復歸錢唐東坡過子人爭羨唐帖蘭
亭今再見奇情爛漫不可收併作公家臥游卷

中丞曾寫臥游

圖

題蘇輿厚菴太史鯉庭獻壽圖

厚菴之父淵泉封翁六十生辰厚菴

以祠堂授經荒園寄讀風雪訪師古渡宵征命其婦黃智舟繪爲四圖白爲文紀封翁食貧課子之

事名曰鯉庭獻壽圖此真足

爲老人光華矣余作此詩

荒祠風雨寒江雪負子在身耕在舌皇天老眼慰恩勤
紫泥封映黃花節不愛製錦張華堂不願椎牛烹豬羊
願得家箴守忠孝永翼聖教留書香

太史曾爲翼教叢編

蘇黃當

日賦紅帶遜此門庭有嘉話賢郎一篇紀事文賢婦四
幀橫看畫婦今南樓兒東塾稽首躋堂三進祝君不見
蔣家行狀洪家圖未若生前獻壽相歡娛

題裕

慶

蓉坪湘東送別圖

并序

庚子拳匪之亂東南岌岌衡郡民惑於風謠以
爲朝旨將盡驅從西教者一時大小教堂皆

毀磬坪時守郡日單騎出拊循鎮定衡人以安
遽爲督府劾罷士民歎惜圖所爲作也今已六
年前事大白爲題此詩

昔年聞公去衡人羣歎吁枉矢竟天流飛禍乃切膚傾
城出祖道衣冠競提壺行雲故徘徊驄馬亦踟躕今年
喜公還執手相嬉娛羨公心坦蕩神閒貌加腴前事會
一雪公評已交孚爲想湘耒交歡言盈彼都升沈有定
分禍福非所虞當時巧宦子埋沒隨榛蕪公名如日月
不受微塵汙經綸與時會指顧騰天衢浮浮湘津橋鬱
鬱江城圖此橋公所復德水相涵濡此圖勿輕看中有

血淚枯作歌表惟良時艱幸終扶

和金檜門先生

德瑛

觀劇絕句三十首

祐陵畫意取加官更向班行臉上看牙笏錦袍緣底事

故將吉語調衣冠

加官

案宋徽宗有官上加官圖國朝李斗揚州畫舫錄所載戲班行

頭有加官

臉名目

徐張相聚豈相捐未信曹何盡少年聞道神仙不可接

唐人

卻從場上看堆仙

入仙

案元范子安陳季卿誤

漢鍾離李鐵拐徐神翁藍采和韓湘子何仙姑呂洞賓而無曹國舅又谷子敬呂洞賓三度柳樹精雜劇入仙爲漢鍾離鐵拐李張果老藍采和徐神翁韓湘子曹國舅呂洞賓而無何仙姑又岳伯川呂洞賓度鐵拐李雜劇入仙爲漢鍾離呂洞賓張四郎曹國舅藍采和韓湘子張果老鐵拐李而無何仙姑徐神翁今世所傳八仙

與明沈玠續仙傳及王世貞弇州集入人圖後八人相
合無徐張也續仙傳云曹國舅是青巾少年與今世所
傳五緒鬚像不合宋歐陽修歸田錄云衡山
何仙姑係數百歲人綴白裘名八仙曰堆仙

徐府芳祠定遠墩楚歌真斷美人魂祇緣一曲千金記

長見倉皇拭淚痕

虞姬 千金記明沈練川
撰琴入毛晉六十種曲

前有蘇卿後郝經至今精氣照丹青艱難國步嗟誰補

畱與皇華作典型

蘇子卿 見牧羊記明無名
氏撰琴入葉堂納書楹譜

掖庭一去總無言爭說琵琶戀漢恩疑是春風真面在

更從千載曲中論

明妃

市中高臥詔傳呼彩筆狂揮錦不如今日眼看人盡醉

阿誰解寫嚇蠻書

李太白 見彩毫記明屠
赤水撰琴入六十種曲

名花帶笑幾相歡。羅襪成塵照眼寒。月殿霓裳元是夢。
空畱遺跡萬人看。

馬嵬驛

見長生殿

國朝洪昉思撰

蜀道郎當是雨聲。淋鈴敎曲淚縱橫。可憐明聖天王業。

賸與梨園作主盟。

南內長生殿

見

樂昌合鏡痛生離。三代羅衫取證奇。赤子扶瞻年十八。

人生難得是佳兒。

白羅衫

明無名氏

高會單刀證史文。賡言健義有將軍。元碑明敕流傳遠。

都把新名補舊聞。

周倉

關大王單刀會元關漢卿撰

兔兮從周倉見紀。酌潏陽消夏錄。五王棠知新錄云。明

萬曆四十二年遣太監李思教封關公爲三界伏魔大

帝神威遠鎮天尊關聖帝君長子平爲錫忠

王次子興爲顯忠王將軍周倉爲忠勇公

德宗皇帝空馳詔康叔郎中飽寫經難得相逢便相仞

三更旅館一燈青

尋親記 元無名氏撰 梁入六十種曲

越女微軀竟沼吳投江翻遣逐靈胥五湖高隱于何事

錯認鴟夷是大夫

范蠡 見浣紗記 明梁伯龍撰 梁入六十種曲

羅人那解雪烹茶學士由來勝党家樸直未須多識字

袖中禪詔漫相誇

党太尉賞雪 梁入綴白裘案補人獲堅瓠集九集卷三云野史載陶穀

有妾自党進家來者一日雪下穀命取雪衣烹茶問曰

党家有此景否曰彼粗人安識此景但能於銷金帳下

淺斟低唱飲羊羔美酒耳疑此劇聽琴酤酒兩心同贏得分財作富翁吟到白頭感承好

茂陵臥病已秋風

琴心 見琴心記 明無名氏撰 梁入六十種曲

紅。頰。長。眉。謝。自。然。洞。房。清。靜。卽。神。仙。無。端。挂。眼。閒。花。草。

信。有。人。間。色。界。天。王簪記 明高濂撰梨入六十種曲

手湖詞云清靜堂前不捲簾景悠然閒花野草漫連天

莫胡言獨坐洞房誰是伴一爐煙閒來窗下理琴絃小

後陳偶潘必正
偏安君相密綢繆閫外將軍見贅疣撼岳長城真白壤

埽秦流恨幾時休。岳忠武 見精忠記明姚

是非身後底相妨莫更琵琶幻四王古柳斜陽天水代

滿村早唱蔡中郎。埽松 見琵琶記元高則誠撰梨入

能詞曲高則誠與友善勸之仕登第後卽棄其妻而贅

於太師不花家則誠悔之因借此記以諷名琵琶記者

取其四王字爲王四耳元人呼牛爲不花故謂之牛太

陽古柳趙家莊負鼓盲姑正作場身後是非誰管得滿村聽唱蔡中郎則蔡中郎事自宋時盲詞傳演久矣

一封奏草鬼神愁不爲閨房得少畱還勝章妻知足誠

代夫一疏並千秋寫本見鳴鳳記明王世貞撰入六十種曲

深宮宛轉百花酒同黨招搖五綵輿正是羣陰煬蔽日

不堪摩寫壽嚴初趙文華見鳴鳳記

默默鐵柱禱無休嶽嶽冰山凍不流快絕鄒林雙御史

解從左側射東樓嚴嵩見鳴鳳記

妻婢方山傳裏知色雖自得意嘖癡談禪未礙聞獅吼

難解涪翁簡帖詞獅吼記明汪廷訥撰入六十種曲案洪邁容齋三筆云黃魯直與季

常簡云審柳夫人時須醫藥今已平安否公暮年來想漸求清淨之樂姬媵無新御矣柳夫人比何所念而致

疾邪又一帖云承諭老境情味法當如是河東夫人亦能哀憐老大一任放不解事邪

英雄千載困儒冠老著衣巾作別難博得頭銜差吐氣

生前梁灝死方干別頭巾 葉煥彬云元曲繡襦記有

詩意不合本詩似指一晚年登第者今弋陽高腔中有

趙朋觀榜乃老年登第後棄頭巾復與作別似是此劇

高腔詞與崑腔相合尤可證也

漢京銅臭已薰天解習官儀亦自賢莫羨伯郎惟一斗

東坡詩伯郎且從優孟學三年 演官 見人獸關 國

一斗得涼州

當關一將繫興亡雙劍雌雄並有芒拌得頭顱紆國步

痛心降表出姜王周遇吉 見鐵冠圖 栞入納書櫥譜

琴歌當哭女貞新爲國誅仇似有神王氏亦傳合地首
可憐崇義號夫人費宮人刺虎見鐵冠圖

流落江湖柰老何桓溫一去樹婆娑桃花扇裏餘生氣

賴有吳毛爲作歌柳敬亭見桃花扇

地獄名從佛國彰高僧救母孝思長黃泉碧落嘲居易

傳唱還應溯李唐目連母明無名氏撰

聞道青溪有小姑娘終南眷屬亦神夫藍衫蓬髮鍾山路

一幅春霄透漏圖鍾馗案宋宣和畫譜有宋石恪春霄透漏圖卽畫鍾馗小妹故事

閱盡榮枯一枕中鄴侯著記有仙風開元故事分明在

誰把回先替呂翁邯鄲夢案李泌枕中記載開元十九年邯鄲道呂翁授盧生枕卽此事

奐彬云呂翁非洞賓洞賓生貞元十四年舉咸通進士
上距開元甚遠元馬致遠邯鄲道省悟黃梁夢雜劇云
漢鍾離度呂洞賓蓋因枕中記附會又顛倒以爲鍾離
度洞賓明湯顯祖玉茗堂四夢傳奇中有邯鄲夢則由
記託出但亦以呂翁
爲洞賓殊失考也

不契梁皇竟北遊嵩山面壁影長畱底須折輦誇神異
若箇精誠入石頭

達摩見祝髮記明張鳳翼撰采入綴白裘

再題檜門先生觀劇詩後

匹是憑虛各擅場寓言顛倒自蒙莊漫嫌傳唱無稽語
周漢文詞已濫觴
班史曾登小說流唐叢宋稗儘旁搜流言抵作丹青看
舞榭歌臺一例收

先河院本後傳奇次第優人作導師唐句宋詞爭賭唱
祇如新調付歌姬

世事甯分僞與真紛紛目論苦求伸梅經毛傳欺千古
何況歌場一闋塵

范石湖詩過眼
人情一闋塵

弦管撩人欲放顛蘭芳鮑臭任流傳不乖臣子興觀義
祇有精忠與日連
懷古元因一畫圖意將懷壁做愚夫天臺何事誣光武
知是明人刺歹朱

昇平鼓吹說乾隆審律應知與政通夢想開元全盛日
欲將法曲問伶工

先生。退。老。儘。開。顏。我。亦。心。儀。謝。傳。聞。憂。國。無。心。問。絲。竹。
不。知。底。處。是。東。山。

題金甸丞直刺蓉鏡夜紡課孫圖甸丞生五歲喪母育於祖母徐

太恭人值粵寇之亂避地海上窮困流離督課不輟太恭人歿以節孝旌甸丞追爲此圖索題時

方權知郴州事

干。戈。滿。地。奔。亡。日。機。杼。中。宵。課。讀。餘。膳。有。報。劉。眞。事。業。
楚。童。新。導。使。君。車。

作。繪。徵。題。仗。象。賢。北。江。名。跡。其。流。傳。機。聲。燈。影。知。多。少。
難。得。兒。孫。念。爾。先。

題林屋山人畫冊山人姓勞名潑字在茲江蘇吳縣人工畫山水花卉世居洞庭

西山勞家橋橋植雙桂爲元明閒物樹根茁生靈
芝九山人曾繪雙桂九芝圖其後人名堂曰雙桂
日九芝者以此八世孫鼎勳
官廣東知縣得此冊屬題

丹青入手無顧陸赤藥紫丸親負局仁乎清矣兼者誰
林屋千秋有高躅九芝近市舊業傳雙桂茁庭儒吏賢
恭聞祖德述靈運肯爲墨妙求坡仙

題席杞生觀察悼亡詩文後

以下
丙午

宛宛宏農秀嶽嶽東安英兩姓揚芳烈殊域峙國楨致
身犯艱否奮迹開承平鳳雛俱晚出蚌珠匪孤生高門
有宜稱良緣遂合并結褵筵佳期乾坤蔭先摧殷勤薦
蘋藻涕泣霑樽罍夫君篤孝思相告必致齋賡言內則

訓感惻平生懷良儔雖固結雅量無等儕敦勸置橫牀
逮下眾所推瑟琴既靜好德音靡不諧之子宜家室戚
里心顏開揚揚春桃花紅芳耀階庀宵來風雨惡倏已
委泥滓駕言遊江南僊俛從君子風土嗟殊異藥餌強
料理外家方多虞嘉問罕可紀憂驚集耳目沈痛入骨
髓未忘首邱義與疾楓江淚遺形入九幽傷心猶一視
一視心謂何有女裁數齡慘懷及世緒勛夫以榮名所
天悼賢淑稠疊生文情潘詞未爲費莊盆詎肯擎增予
伉儷重感喟身世輕卅年如昨日對此淚縱橫

慈竹居圖爲李

詳

審言題

有序

審言父升華早逝母氏趙撫審言兄弟備極艱
劬年八十矣審言績學不遇偶讀子美假山詩
有感於懷因爲慈竹居圖嬖娒綠蔭環翳小廬
母支杖僂坐審言循階而上將有所請之狀寄
遠乞題余不忍拂其孝思爲作一首

從來慈母如慈竹無那生兒比竹差杜老假山眞詔我
石君子舍便爲家汝知愛日依清蔭我早臨餐愧白華
展墓迎秋一灑淚江風吹雁到長沙

余七月初度祭先
太夫人墓而審言

書
至